



Bosnia and Herzegovina
Federation of Bosnia and Herzegovina

CANTON SARAJEVO
Anti-Corruption Office

Broj: 20-04-31786-5/24
Sarajevo, 31.07.2024. godine

Na osnovu člana 19. st. (1) i (2) i člana 23. Zakona o prevenciji i suzbijanju korupcije u Kantonu Sarajevo („Službene novine Kantona Sarajevo“, br. 35/22, 44/22-Ispravka i 52/22-Ispravka) Ured za borbu protiv korupcije Kantona Sarajevo (u daljem tekstu: Ured) donosi:

O D L U K U

(1) Nakon provedenog postupka utvrđivanja postojanja sukoba interesa za Ahmetović Zulfu, Ured je utvrdio postojanje sukoba interesa za imenovanog, jer istovremeno obavlja dvije javne funkcije, i to javnu funkciju člana Upravnog odbora u KJU „Odgojni centar Kantona Sarajevo“ i javnu funkciju pomoćnika direktora u JU Centar „Vladimir Nazor“, što predstavlja povredu odredaba člana 5. stav (1) Zakona o prevenciji i suzbijanju korupcije u Kantonu Sarajevo.

(2) Poziva se Ahmetović Zulfo da podnese ostavku ili da na drugi način odstupi sa jedne nespojive javne funkcije navedene u tački (1) ove odluke, i to u roku od 30 dana od dana prijema ove odluke, te da o istom obavijesti Ured.

O b r a z l o ž e n j e

Ured je nakon izvršenog uvida u Registar imenovanih lica Kantona Sarajevo i Registar zaposlenih u javnom sektoru Kantona Sarajevo konstatovao da Ahmetović Zulfo, istovremeno obavlja dvije javne funkcije, i to javnu funkciju člana Upravnog odbora u KJU „Odgojni centar Kantona Sarajevo“ i javnu funkciju pomoćnika direktora u JU Centar „Vladimir Nazor“, što je u suprotnosti sa članom 5. stav (1) Zakona o prevenciji i suzbijanju korupcije u Kantonu Sarajevo, koji propisuje da nosilac javne funkcije može istovremeno obavljati samo jednu javnu funkciju iz člana 2. tačka c) ovog zakona, osim ako posebnim propisom nije drugačije određeno. U cilju utvrđivanja postojanja sukoba interesa u predmetnom slučaju, a shodno članu 12. stav (1) Zakona o prevenciji i suzbijanju korupcije u Kantonu Sarajevo, Ured je pokrenuo i proveo postupak za utvrđivanje postojanja sukoba interesa u predmetnom slučaju. Ovaj ured je Rješenjem broj: 20-04-31786/24 od 07.06.2024. godine, pokrenuo postupak za utvrđivanje postojanja sukoba interesa za Ahmetović Zulfu.

Predmetni ured je aktom, Obavijest o pokretanju postupka za utvrđivanje postojanja sukoba interesa i zahtjev za pismeno izjašnjenje broj: 20-04-31786-1/24 od 07.06.2024. godine, a shodno članu 16. stav (1) Zakona o prevenciji i suzbijanju korupcije u Kantonu Sarajevo, obavijestio imenovanog o pokrenutom postupku za utvrđivanje postojanja sukoba interesa za istog, te je zatražio pismeno izjašnjenje na navode iz ove obavijesti. U prilogu akta od 07.06.2024. godine, imenovanom je dostavljeno Rješenje broj: 20-04-31786/24 od istog dana.

Izjašnjenje na navode iz Obavijesti o pokretanju postupka za utvrđivanje postojanja sukoba interesa i Zahtjev za pismeno izjašnjenje od strane Ahmetović Zulfe, ovaj ured zaprimio je 03.07.2024. godine. U Izjašnjenju imenovani ne osporava da je istovremeno nosilac dvije javne funkcije, i to: član Upravnog odbora u KJU „Odgojni centar Kantona Sarajevo“ i pomoćnik direktora u JU Centar „Vladimir Nazor“, ali navodi da se odredbe Zakona o prevenciji i suzbijanju korupcije u Kantonu Sarajevo ne odnose na pomoćnika direktora u osnovnoj školi s obzirom da za njegovo imenovanje nije potrebna saglasnost Vlade Kantona Sarajevo, nema ovlaštenja za potpisivanje akata, nema deponovan potpis, nema nadležnost za odlučivanje odnosno nije voditelj odgojno-obrazovnog procesa. U prilogu navedenog izjašnjenje dostavio je Odluku o imenovanju pomoćnika direktora Ahmetović Zulfe, broj: 01-2204/23 od 12.12.2023. godine.

U cilju pravilnog odlučivanja u predmetnom slučaju, Ured je uputio Zahtjev za dostavljanje informacije i dokaza, broj: 20-04-31786-2/24 od 04.07.2024. godine, JU „Centar Vladimir Nazor“, i to u pogledu dostavljanja informacije ko je trenutni pomoćnik direktora u JU „Centar Vladimir Nazor“, kao i kopiju akta o njegovom imenovanju.

Također, ovaj ured je uputio Zahtjev za dostavljanje informacije i dokaza, broj: 20-04-31786-1/24 od 05.07.2024. godine, KJU „Odgojni centar Kantona Sarajevo“, i to u pogledu dostavljanja informacije ko su trenutni članovi Upravnog odbora predmetne institucije, kao i kopije akta o njihovom imenovanju.

Ured je 15.07.2024. godine zaprimio Informaciju, broj: 31-01-45-771-01/24 od 12.07.2024. godine od KJU „Odgojni centar Kantona Sarajevo“ u kojoj se, između ostalog, navodi da je Ahmetović Zulfo trenutni član Upravnog odbora KJU „Odgojni centar Kantona Sarajevo“. Kao dokaz navedenog u prilogu su dostavili Rješenje o imenovanju predsjednika i članova Upravnog odbora Kantonalne javne ustanove „Odgojni centar Kantona Sarajevo“, broj: 02-04-29941-20.3/21 od 05.08.2021. godine.

Dana 23.07.2024. godine ovaj ured je zaprimio Informaciju od JU „Centar Vladimir Nazor“, broj: 01-1096-1/24 od 15.07.2024. godine u kojoj se navodi da je Ahmetović Zulfo trenutni pomoćnik direktora predmetne institucije imenovane na osnovu Odluke o imenovanju pomoćnika direktora, broj: 01-2204/23 od 12.12.2023. godine. U prilogu predmetne informacije su dostavili kopiju navedene odluke od 12.12.2023. godine.

Na osnovu dokumentacije koju Ured posjeduje, utvrđeno je postojanje sukoba interesa za Ahmetović Zulfo, jer imenovani istovremeno obavlja dvije javne funkcije, i to javnu funkciju člana Upravnog odbora u KJU „Odgojni centar Kantona Sarajevo“ (nosilac javne funkcije shodno članu 3. stav (c) alineja 4) Zakonu o prevenciji i suzbijanju korupcije Kantona Sarajevo) i javnu funkciju pomoćnika direktora u JU „Centar Vladimir Nazor“ (nosilac javne funkcije shodno članu 3. stav (c) alineja 3) Zakonu o prevenciji i suzbijanju korupcije Kantona Sarajevo) što predstavlja povredu odredaba člana 5. stav (1) Zakona o prevenciji i suzbijanju korupcije u Kantonu Sarajevo.

Nosilac javnih funkcija, Ahmetović Zulfo, dužan je u roku od 30 dana od dana prijema ove odluke, podnijeti ostavku ili na drugi način odstupiti sa jedne od javnih funkcija koje istovremeno obavlja i o tome pismeno obavijestiti Ured za borbu protiv korupcije Kantona Sarajevo.

Shodno navedenom, Ured za borbu protiv korupcije Kantona Sarajevo je u skladu sa članom 19. st. (1) i (2) Zakona o prevenciji i suzbijanju korupcije u Kantonu Sarajevo odlučio kao u dispozitivu ove odluke.

Ova odluka stupa na snagu danom donošenja i obavezujuća je za nosioca javnih funkcija.

Pouka o pravnom lijeku: Ova odluka je konačna i protiv iste nosilac javnih funkcija može pokrenuti upravni spor.



SEF UREDA

Erduan Kafedžić

87/24

Dostaviti:

1. Zulfo Ahmetović (Hendekuša 240, 71210 Lidza)
2. Za objavu na internet stranici Ureda za borbu protiv korupcije Kantona Sarajevo,
3. a/a.